

**ՓՈՐՁԱՌԱՔԱՐ ԱՊՐԵԼ, ՎԱՅԵԼԵԼ  
ԵՎ ԱՐՏԱՀԱՅՏԵԼ ՔՐԻՍՏՈՍԻՆ**

**(2)**

**ՀԱՆԳՈՒՑԱՅԻՆ ԴՐՈՒՅԹՆԵՐ**

Մարմնացման միջոցով Աստծու միածին Որդին  
մարդկայնություն հագավ և Աստվածամարդ դարձավ.  
այնուհետև հարության մեջ Քրիստոսը ծնվեց որպես անդրանիկ Որդի,  
ու միևնույն ժամանակ Նրա հավատացյալները ծնվեցին  
որպես Աստծու բազում որդիներ:

Եռամեկ Աստված մարմնացման, խաչելության,  
հարության և համբարձման միջոցով պատրաստվեց  
և դարձավ կյանքի Հոգու օրենքը, որը տեղադրվել է մեր հոգու մեջ`  
որպես «գիտական» օրենք` ինքնաշխատ սկզբունք.  
սա Աստծու տնտեսության մեջ եղող մեծագույն բացահայտումներից,  
նույնիսկ վերականգնած մեծագույն դրույթներից մեկն է:

Որպես Աստծու զավակներ` մենք Աստվածամարդիկ ենք,  
որոնք ծնվել են Աստծուց, ունեն Աստծու կյանքն ու բնությունը  
և պատկանում են Աստծու կենսաբանական տեսակին.  
այժմ որպես Աստծու զավակներ` մենք պետք է քայլենք սիրո և լույսի մեջ,  
ունենալով սերը` որպես Աստծու ներքին էություն,  
և լույսը` որպես Աստծու արտահայտված տարր:

Քրիստոսն Աստծու սպառազինության բաղադրիչներն է,  
իսկ աղոթքը Քրիստոսին` որպես Աստծու սպառազինության, կիրառելու  
եզակի ու գործնական ճանապարհն է:

Առաջին հաղորդում

**Գավթի սերմը դառնում է Աստծու Որդի**

Գրվածքների ընթերցում. Գրծ 13:23, 33, Հռմ 1:3-4, 8:29

- I. Գործքի 13-րդ գլխում Պողոսն ասաց, որ Գավթի սերմից «Աստված, խոստման համաձայն, Իսրայելի համար Փրկիչ բերեց՝ Հիսուսին» (Խ. 23), և որ «այդ խոստումն Աստված լիովին կատարեց... հարուցանելով Հիսուսին, ինչպես և երկրորդ Սաղմոսում է գրված. «Դու Իմ Որդին ես, Ես այս օրն եմ Քեզ ծնել»» (Խ. 33).**
- Ա. 32 և 33-րդ խոսքերում տեսնում ենք, որ Քրիստոսը՝ որպես Աստծու Անդրանիկը, խոստացվել էր հայրերին, և Աստված կատարեց այդ խոստումը՝ Հիսուսին հարուցանելով:
- Բ. Հարությունը ծնունդ էր Հիսուս մարդու համար.
1. Նա Իր հարության մեջ Աստծուց ծնվեց և դարձավ Աստծու անդրանիկ Որդին բազում եղբայրների մեջ՝ Հռմ 8:29:
  2. Նա հավիտենությունից Աստծու միածին Որդին էր՝ Հվի 1:18, 3:16:
  3. Իր մարմնացումից հետո հարության միջոցով Նա Աստծուց ծնվեց Իր մարդկայնության մեջ և դարձավ Աստծու անդրանիկ Որդին՝ Եբր 1:6:
- Գ. Պողոսը կարողացավ տեսնել Տիրոջ հարությունը Սղմ 2:7-ում. «Դու Իմ Որդին ես, Ես այս օրն եմ Քեզ ծնել».
1. Պողոսն «այսօր» բառը կիրառեց Տիրոջ հարության օրվա նկատմամբ:
  2. Սա նշանակում է, որ Քրիստոսի հարությունը Նրա՝ որպես Աստծու անդրանիկ Որդու ծնունդն էր:
  3. Հիսուսը՝ Մարդու Որդին, ծնվեց որպես Աստծու Որդին՝ մեռելներից հարուցանվելով. ուստի Աստծու՝ Հիսուսին մեռելներից հարուցանելը Նրան Իր ծնելն էր որպես Իր անդրանիկ Որդու՝ Գրծ 13:33:
- Դ. Մարմնացման միջոցով Աստծու միածին Որդին մարդկայնություն հագավ և Աստվածամարդ դարձավ (Հվի 1:14, 18, Ղկս 1:35). այնուհետև հարության մեջ այս Աստվածամարդն Աստծուց ծնվեց՝ դառնալով Նրա Անդրանիկը (Գրծ 13:33, Եբր 1:6, Հռմ 8:29).
1. Նախքան մարմնացումը Աստծու միածին Որդին մարդկային բնություն չուներ. Նա միայն աստվածային բնություն ուներ:
  2. Հարության մեջ Աստծու անդրանիկ Որդին ունի մարդկային բնություն, ինչպես նաև աստվածային բնություն:
- Ե. Իր հարության միջոցով Քրիստոսը ծնվեց որպես անդրանիկ Որդին, ու միևնույն ժամանակ բոլոր Նրա հավատացյալները ծնվեցին որպես Աստծու բազում որդիները՝ Ա Պտ 1:3, Եբր 2:10.

1. Այս բազում որդիների մեջ միայն Անդրանիկն է Աստծու միածին Որդին՝ Հվի 1:18, Ա Հվի 4:9:
2. Իր հարուցանված մարդկայնության մեջ Աստծու այս միածին Որդին նաև Աստծու անդրանիկ Որդին է՝ Հռմ 8:29:
3. Անդրանիկն ունի և՛ աստվածայնություն, և՛ մարդկայնություն, և մենք՝ Նրա հավատացյալներս՝ որպես Աստծու բազում որդիներ, նույնպես ունենք և՛ մարդկային բնություն, և՛ աստվածային բնություն՝ Բ Պտ 1:4:

**II. Մենք պետք է ճանաչենք Քրիստոսին Իր հարության մեջ, ով զորությամբ Աստծու Որդի սահմանվեց՝ Իր մարդկային բնությամբ հանդերձ՝ Հռմ 1:3-4.**

- Ա. Նախքան Իր մարմնացումն ու հարությունը Քրիստոսն Աստծու Որդին էր՝ միածին Որդին՝ Հվի 1:18, 3:16:
- Բ. Թեև նախքան մարմնացումը Քրիստոսն արդեն Աստծու Որդին էր, Նա դեռ պետք է հարությունից սահմանվեր որպես Աստծու Որդի, որովհետև մարմնացման միջոցով Նա մարդկային բնություն էր հագել, որն աստվածայնության հետ ոչ մի առնչություն չուներ՝ 1:1, 14, Հռմ 8:3.
1. Երբ Աստծու Որդին մարմնացավ, Նրա աստվածային բնությունը ծածկվեց մսեղիով:
  2. Քրիստոսն արդեն Աստծու Որդին էր Իր աստվածայնության մեջ, բայց Նրա այն մասը, որը Հիսուսն էր՝ մարդկային բնությամբ հանդերձ՝ Մարիամից ծնված, դեռևս Աստծու Որդին չէր՝ Գկս 1:31-32, 35:
  3. Իր հարությամբ Քրիստոսը սրբացրեց և բարձրացրեց Իր մարդկային բնությունը՝ Իր մարդկայնությունը, և Նա հարությունից սահմանվեց Աստծու Որդի՝ այս մարդկային բնությամբ հանդերձ. այս իմաստով Նա հարության մեջ ծնվեց որպես Աստծու Որդի՝ Հռմ 1:3-4, Գրծ 13:33, Եբր 1:5:
  4. Աստծու Որդու այս սահմանումը «զորությամբ» էր՝ Քրիստոսի հարության զորությամբ, որի իրականությունը Հոգին է՝ Հռմ 1:4, Փլպ 3:10, Եփս 1:19-20:
- Գ. Հարության մեջ սահմանվելու միջոցով Քրիստոսը, ով արդեն Աստծու Որդին էր նախքան Իր մարմնացումը, Աստծու Որդին դարձավ նոր կերպով՝ Հռմ 1:4.
1. Նախքան Իր մարմնացումը Նա Աստծու Որդին էր միայն աստվածայնությամբ. Իր հարության միջոցով Նա Աստծու Որդի սահմանվեց և՛ աստվածայնությամբ, և՛ մարդկայնությամբ՝ խ. 4:
  2. Եթե Քրիստոսը մարդկային բնություն հագած չլիներ, Նրա՝ Աստծու Որդի սահմանվելու կարիքը չէր լինի, որովհետև Իր աստվածայնության մեջ Նա արդեն Աստծու Որդին էր դեռ հավիտենությունից՝ Հվի 1:18, 17:5:
  3. Մարմնացման միջոցով մարդկայնություն հագած լինելով՝ Նա հարությամբ

յան մեջ սահմանվեց որպես Աստծու Որդի՝ իր մարդկայնությամբ հանդերձ՝ 1:14, Հռմ 8:3, 1:3-4, Եբր 2:14.

ա. Որպես սահմանված Աստծու Որդին՝ Քրիստոսը երկու բնություն ունի՝ աստվածայնություն և մարդկայնություն. մարդկայնությունը, որ Նա այժմ ունի, ոչ թե բնական մարդկայնությունն է, այլ հարության մեջ բարձրացված մարդկայնությունը՝ Հռմ 1:4:

բ. Նույնիսկ Քրիստոսի մարդկային բնությունն է սահմանվել Աստծու Որդի, որովհետև Նա Աստծու Որդի է սահմանվել և՛ աստվածայնությամբ, և՛ մարդկայնությամբ:

Գ. Քրիստոսի՝ մարդկայնությամբ հանդերձ որպես Աստծու Որդի սահմանվելը «ըստ սրբության Հոգու» էր՝ խ. 4.

1. Սրբության Հոգին Տեր Հիսուսի ներսում եղող կյանքի էությունն է. երբ Նա ապրում էր երկրի վրա մսեղիում, Իր ներսում ուներ այս էությունը՝ Մտք 1:18, 20, Ղկա 1:35:

2. Երբ Տեր Հիսուսը հարուցանվեց մեռելներից, Նա հարության միջոցով զորությամբ Աստծու Որդի սահմանվեց ըստ սրբության Հոգու, որն Իր մեջ էր՝ Հռմ 1:4:

3. Այժմ Նա Աստծու Որդին է առավել հրաշալի իմաստով, քան նախկինում, որովհետև այժմ Նա ունի և՛ աստվածային բնություն, և՛ հարուցանված, փոխակերպված, բարձրացված, փառավորված և սահմանված մարդկային բնություն՝ 6:4, Ղկա 24:26, Հվի 17:5, Գրծ 3:13:

Ե. Մենք պետք է միացնենք Հռմ 1:3-4 և 8:29-րդ խոսքերը.

1. Իր մարմնացման, խաչելության և հարության միջոցով Քրիստոսը՝ Աստծու Որդին, դարձավ անդրանիկ Որդին, իսկ բազում որդիները՝ Քրիստոսի եղբայրները, կերպարանակցվում են Նրա պատկերին՝ Եբր 2:10-11, Հռմ 8:29:

2. Հռմ 1:3-4-ում Քրիստոսը՝ Աստծու Որդին, նախօրինակն է, մինչդեռ 8:29-ում բազում եղբայրները նրանք են, ովքեր այս նախօրինակից ստացված «զանգվածային վերաբնակությունն» են, և ովքեր, կյանքում փրկվելով, կերպարանակցվելու են անդրանիկ Որդու պատկերին:

3. Սա մեզ բերում է աստվածացման հարցին և ենթադրում, որ Իր տնտեսության մեջ Աստծու մտադրությունը Իրեն մարդ դարձնելն է, որպեսզի Քրիստոսի մեջ մենք՝ Քրիստոսի հավատացյալներս ու Աստծու զավակներս, դառնանք Աստված կյանքով, բնությամբ և կազմությամբ (բայց ոչ Աստվածությամբ). այսպիսի ենթադրությունը ծայրաստիճան մեծ է, և ի վերջո Աստվածաշունչը հենց սրանով է ավարտվում՝ Հռմ 8:29, 1:3-4, Հվի 1:1-13, Ա Հվի 3:1, Հյտ 21:2, 10-11: